

جريدة محاكم

جمعه ایرتسی

نومرو	جمادی الاخر	سنه	تشرین اول	سنه	حقیقه
۹۵۱	۱۰	۱۳۱۵	۲۵	۱۳۱۳	۱۳۵۳۳

(اشبو غزته بهر هفته جمعه ایرتسی کونلری چیقار . سنلکی در سعادت ایچون مجیدیه یکریمی غروش)
 (حسابیه التمش غروشدر . طشرملر ایچون اون بش غروش پوسته اجر قی ضم اولنور . بهر)
 (نسخی ین مجیدیه یکریمی غروش اولق اوزره یوزباره یه هر یرده صاتیلور . درج اوله جی)
 (اعلاناک هر برندن بر مجیدیه اخذ اولنور . سنه لکنه مشتری اولق استیانلر عدلیه نظاری)
 (دأره سنده کائن جریده محاکم اداره سنه مراجعت ایللیدر)

واقعه منافع عامه یه متعلق اولدینی حالده انسانی
 محاکمه ده مدعی عمومینک مطالعه سی التماس وسند
 فاضلی اوله رق تسلیات دخی وقوع بولدینی جهته
 قارشولقی فاضل یوریدیلرک یکدیگرنندن تنزیل
 ایدلک لازم کلور ایکن بویولده اجرای معامله
 ایدلماش اولسنه منی اعتراضات واقعه نک موافق
 قانون اولدینی بیانندن عبارت بولنمشدر .

ایجابی مذاکره اولنقدقه اعلام مذکور
 مطالعه سنندن منفهم اولدینی اوزره دعوای واقعه

قسم غریبی

ودینه قضایی بدایت محکمه سنندن ۲۵ حزیران
 سنه ۳۰۷ تاریخی ویکرمی بش عددی ایله صادر
 اولان اعلامک مابعدی

بخشله اعلامک تقضی استدعاسندن ومعاون مومی
 الیه بورفاکی افندینک مطالعه سی دخی دعوای

اغستوس سنه ۳۱۰ تاریخچه متفقاً قرار ویریلرک
تفهیم قلندی .

کسندیره بدایت محکمه سندن ۱۷ کانون اول
سنه ۳۰۷ تاریخی و سکسان بر عددی ایله صادر
اولان اعلامک تمیزینی کسندیره قضاسنک مرکز
حکومتی اولان بولیروز قصبه سی زراعت بانک
شعبه سی رئیس اپوستول یانو افندی استدعا ایتمش
ویوم معینده مذکور بانقه نك اداره مرکزیه سی
دعاوی و کیلی اوخانس افندی دائره کلش
ایسده میز علیه کسندیره قضاسی داخلنده
غرغره قریه سنده ساکن محمود اگا کلامش اولد
یقندن یالکز و کیل مومی الیهک ایضاحات
شفاهیه سیله باش مدعی عمومی معاوانلرندن
سماعتلو یورغا کی افندینک مطالعه سی استماع
قلندقدن صکره تدقیقات تمیزیه اجراسنه ابتدار
اولندی .

منافع عامه به متعلق اولدینی جهتله تشکیلات
محاکم قانوننک التمش بشنبی ماده سی موجبجه
اثنای محاکمه مدعی عمومینک حاضر بولندیر
یلررق مطالعه سنه مراجعت ایدلامسی ومستند حکم
اولان سند دخی فاضلی اولسنه و بوکا مقابل
مدیون علی افندی طرفندن تسلیات وقوعبولسنه
مبنی قارشولقی گذشته یوریدیلرک یکدیگرندن
تزیل ایدلمسی لازم کلور ایکن محکمه جه بورالینک
نظر اعتنایه التفسیرین خود بخود فائضنک تحصیلنه
حکم اولنسی یولسز و مغایر قانون اولدینسه
ومعاون مومی الیهک مطالعه سیله زراعت بانقه
سی و کیلنک اعتراضی دخی بوجهته متدار
اوله ررق موافق نفس الامر بولندینسه بناء اصول
محاکمه حقوقیه قانوننک ایکوز اوتوز ایکنجی
ماده سی موجبجه اعلام مذکورک نقصیه قانون
مذکورک ایکوز قرق دردنجی مامی حکمنه
توفیقاً کیفیتک صور محرره دائره سنده یکیدن
بالرؤیه اعلامه ربطی ضمننده محکمه مذکوریه
اعاده سنه وزیرده مفراتی مرقم درتیوز اون درت
بجق غروش مصارف تمیزیه نك ایلروده حقسنز
حقیقه جق طرفه رجوع ایتک اوزره اول امرده
مستدعی تمیز زراعت بانقه سندن التمسنه ۲۲

افندینک اشبو حکم علیهنده کی اعتراضاتنک
باشلوجه سی مبرز سندده فائض مقاوله سی مندرج
اولدینی حالده ایام ماره گذشته سنک حکم ایدلمسی
یولسز و مغایر قانون اولدینندن بختله اعلامک
نقضی استدعاسندن و میز علیه محمود اگانک لایحه
سندده مندرج نتیجه جوابی دخی اعتراضات
مسروده نك واهی و نقض حکمی غیر مؤدی
اولدینی بیانیه ردی و اعلامک تصدیق استدعا
سندن ومعاون مومی الیهک مطالعه سی دخی اثنای
محاکمه مدعی عمومینک بالمداخله مطالعه سی
استماع قلنمق لازم کلور ایکن مدعی عمومی
استماع اولنماش وسند فاضلی اولدینی حالده یالکز
استدعا تاریخندن اعتباراً فائض تحصیلنه حکم
اولنش اولسنه مبنی اعتراضات واقعه نك موافق
قانون اولدینی بیانندن عبارت بولنمشدر .

ایجابی مذاکره اولندقدن اعلام مذکور
مطالعه سندن تفهیم اولدینی اوزره دعاوی
واقعه نك دوائر رسمیه دن معدود اولوب منافع
عامه ایچون متشکل بولنان زراعت بانقه سنه متعلق
اولسنه وبومثللو دعاوی نك اثنای رؤیتنده مدعی
عمومینک حاضر بولندیریلررق مطالعه سنک استماع
قلنمسی تشکیلات محاکم قانوننک التمش بشنبی

اعلام مذکورک خلاصه مالی زراعت بانقه سنک
برقطعه سند موجبجه بحسب الکفاله مرقوم
محمود اگا ذمتنده الاجنی اولان اوچیک طقوز
یوز یکریمی درت غروشک ایام ماره گذشته سی
اولان اوچیوز الی الی غروشله معاً تحصیلنه
دائر کسندیره بدایت محکمه سندن صادر اولان
اعلام غیبانی علیهنده مرقوم محمود اگا جانبندن
اعتراض علی الحکم صرخیالی اعطا واساس دین
ایله تأدیه سی ایچون تعین اولانسان طقوز ایلق
فائضه کفالتی وار ایسده ایام ماره گذشته سی
ایچون سندده بر کونه مقاوله اولدینی جهتله
اندنطولایی مطالب اوله میه جفی مدافعه انبا
ایلمسی اوزرینه و جاهاً جریان ایدن محاکمه و تدقیقات
تبعجه سنده ایام ماره حتمنده بر کونه مقاوله
اولدینی اکلشلمسنه مبنی مبرز سندده محرر
اولدینی وجهله طقوز ماهلق فائضله رأس المالك
بالغ اولدینی اوچیک طقوز یوز یکریمی درت
غروشک اصول محاکمه حقوقیه قانوننک یوز
اون ایکنجی ماده سنک فقره اخیره سنه توفیقاً
تاریخ استدعاسندن اعتباراً حساب ایدیلرک
گذشته سیله معاً کفیل مرقومدن تحصیلنه حکمدن
ومستدعی تمیز زراعت بانقه سی و کیلی اوخانس

و یتش برنجی ماده لری اقتضاسندن بولند یغنه مبنی
مأمور مومی الیهک دعوی مذ کوره حقنده کی
مطالعه سنک طرفین مواجه سنده استماع قلمسی
لارم کلور ایکن بدایت محکمه سنجه مأمور مومی
الیهک بالکر محکمه ده حاضر بولند یریلر
مطالعه سنک استماع قلماسی یولسر و قانونه مفایر
ومعاون مومی الیهک بوجهت حقنده کی مطالعه سی
موافق نفس الامر کورندیکنه بناء اصول محاکمه
حقوقه قانوننک ایکوز قرق دردنچی ماده سی
محکمه توفیقاً کیفیتک برمنوال محرر یکیدن بالرؤیه
اعلامه ربطی ضمننده محکمه مذ کوره به اعاده سنه
وزیرده مفرداتی مرقم درت یوز اون طقوز
بجق غروش مصارف تمیزیه نک ایلروده حقسر
چیه حق طرفه رجوع ایتک اوزره اول امرده
مستدعی تمیز زراعت بانقه سندن النسنه ۱۹
اغستوس سنه ۳۰۹ تاریخنده متفقاً قرار و یریلرک
تفهیم قلندی .

بوزقیر بدایت محکمه سندن تجارت صفی و
۲۷ تشرین ثانی سنه ۳۰۷ تاریخی ویکرمی بدی
عددی ایل و یریلان اعلامک تمیزینی استدعا ایدن
ایلغین مال مدیری صوا افندی ایل مدعی علیه
قونییه ده مقیم حلبی خواجه عبده یوم معینه
دائرة به کلد کلری کی مدعی علیه طرفدن جواب
لایحه سی دخی کوندرلیدیکندن اصول محاکمه
حقوقه قانون موقتک ایکوز یکرمی طقوزنجی
ماده سی موجبجه تدقیقات تمیزیه اجراسنه ابتدار
اولدی .

اعلام مذ کورک خلاصه مآلی مزبور خواجه
عبداللهک کندوسنه جیرو اولنان یوز یکرمی
بر کون وعده لی امره محرر برقطه سند مو -
جینجه مطلوبی بولنان اون لیرانک تحصیلی حکمی
حاوی محکمه مرقومه دن صادر اولان اعلام
غیابی علیه محکوم علیه صوا افندی اعتراض
علی الحکم عرضحالی اعطا ایله جیرو معامله سی
وعده معینه سنک اقتضاسندن صکره وقوع بولدی
جهتله مدعینک انجق حامل اوله قارشو خصم
اوله بیلوب کندوسنه خصومتی توجه ایتیه جکنی
بیان وادعا ایتش ایسه ده مذ کور سند امره
محرر اولوب مومی الیه صوا افندینک دخی تحت

اعترافنده بولمنسه بناء ادعای مذ کورک ردیه
حکم غیابینک تصدیقنه حکمدن و مستدعی تمیز
صوا افندینک اشبو قرار علیه ده لایحه سنده
محرر باشلوجه اعتراضی مدار حکم اتخاذ ایدیلان
سندک عیناً و یا صورت و انحصار مآلاً اعلام تمیز
به درج ایدلامسی مخالف قانون اولدیفندن بمثله
اعلامک نقضی استدعاسندن عبارت بولمنشدر .

ایجابی لدی المذا کره اعلام مذ کور مطالعه -
سندن منفهم اولدینی اوزره مومی الیه صوا
افندی ذمتنده جیرو لی برقطه سند موجبجه
مزبور خواجه عبداللهک مطلوبی بولنان اون
لیرانک تحصیلی حکمی حاوی صادر اولان اعلام
غیابینک عند الاعتراض تصدیقنه قرار و یرلش
اولسنه کوره مستند ادعا اولان سند مذ کورک
عیناً و یا مال صحیحی استنباط اولنه جق صورتده
خلاصه متن اعلام مذ کوره درج و تمیزی
لازمکلور ایکن ذکر اولنان سندک امره محرر
واون لیرانی ناطق بولند یقنک کوسرتیلرک
مندرجاتنک برمنوال محرر موضحاً اعلام مذ کوره
درج ایدلامسی یولسر و اصول و قانونه مفایر
و مستدعی تمیزک بالاده محرر اعتراضی دخی
موافق نفس الامر کورندیکنه بناء اصول محاکمه

قوش اطه سی بدایت محکمه سندن تجارت
صفی و ۱۱ قانون ثانی سنه ۳۰۷ تاریخی واون
اوج عددی ایل و یریلان اعلامک تمیزینی استدعا
ایدن قوش اطه سی قصبه سنده مقیم تجاردن حمدی
زاده حسن افندی ایل مدعی علیه قصبه
مزبوره ده ساکن رسومات اداره سی صندوق امینی

محمد افندی يوم معينه دائره به گلدکاری کبی
میز علیه طرفندن جواب لایحه سی دخی کوندرد.
مدیکندن اصول محاکمه حقوقیه قانونک ایکوز
یکرمی طقوزنجی ماده سی موجبیه تدقیقات
تمیزیه اجراسنه ابتدار اولندی .

اعلام مذکورک خلاصه مالی مومی الیه حسن
افندیکن امره محرراولوب ضایع ایلدیکی برقطعه
سند موجبیه مومی الیه محمد افندی ذمتسه
الاجنی اولان سکسان بش عدد و برربع سیم
مجیدیه نک تحصیل طلب ودعوی ایتش ایسه ده
مومی الیه محمد افندیکن مبلغ مدعا بهدن یکرمی ایکی
بجق مجیدیه سنی مغازه ایجارندن طولانی بوسته جی
سلیمان اغایه وقصور التمش ایکی عدد و اوچ ربع
مجیدیه سنی مدعیکن پدری حاجی محمد افندی به
تسلیم ایلدیکی مبرز دین سندی ظهرنده محرر
شرحندن اکلاشلمش وشو حالده مبلغ مزبورک
مدعی علیه محمد افندی طرفندن اولوجهله ایضا
قلندی تحقیق ایتش اولسنه مبنی مدعی مومی الیهک
رد ادعاسنه قرار ویرلدیکندن ومستدعی تمیزک
اشبواعلام علیه لایحه سنده محرر باشلوجه اعتراضاتی
مبلغ مدعا بهک بر کونه امر وحواله سی بولندی
حاله خصمی طرفندن پدری حاجی محمد افندی

ایله بوسته جی سلیمان اغایه ویرلمی مدیونک دینی
اسقاط ایده میه جکی در کار ایکن محکمه جه
بوراسنک نظردقته التماسی مغایر قانون اولدیکندن
بجمله اعلامک نقضی استدعاسندن عبارتدر .

ایجابی مذاکره اواند قدده اعلام مذکور مآلندن
مستفاد اولدینی اوزره مدعی حسن افندیکن ادعا
کرده سی اولان اچیه پدری محمد افندی ایله بوسته
جی سلیمان اغایه تسلیم واعطا قلندیکن تحقیقنه مبنی
مدعی مومی الیهک رد ادعاسنه قرار ویرلمش
اولوب حالوکه بومقوله تسلیاتک نظر قانونده
شایان قبول اوله بیللمی داینک امر وحواله سیله
مشروط اولدینی حالده مستند ادعا اولان سندک
ضایع اولدینی بیانیله عندالحاکمه اراءه و ابراز
ایدیله مامش اولسنه نظراً مبلغ مدعا بهک مدیون
طرفندن مدعیکن پدریله بوسته جی سلیمان اغایه
نه صورتله تأدیه وایضا قلندی و داینک اولباید
بر کونه امر وحواله سی اولوب اولدینی حقنده
تدقیقات مقتضیه اجراسیله تبیین ایده جک حاله
کوره حکم وقرار ویرلمی لازمندن بولنمش
ایکن محکمه مرقومه جه بویولده تدقیقات اجرا
قلنمقسزین برمنوال محرر اعطای حکم اولندی
نقصانی تدقیقاندن معدود اوله رق یولسز وقانونه

تمیزینی استدعا ایدن اقشهر قصبه سی اهالیسندن
تراوینجی زاده علی وقصاب صاری اوغلی عثمان
ودلکار اوغلی عمر اغالردن یالکر مزبور عمر اغا
ایله مدعی علیه زراعت بانکه سی و کیلی اوخانس
افندی يوم معينه دائره به ورود ایدوب
مرقومان عثمان و علی اغالر کلد کلرندن اصل
وو کیل مومی الیه مانک ایضاحات شفاهیله لریله
باش مدعی عمومی معاونلرندن سعادتلو یوزغاکی
افندیکن مطالعه سی استماع قلندقدن صکره تدقیقات
تمیزیه اجراسنه ابتدار اولندی .

اعلام مذکورک خلاصه مالی اقشهر زراعت
بانقه سی و کیلی حمدی افندی اقشهر بانک شعبه سی
کاتب سابق نیازی افندیکن اقشهر مجلس
اداره سنک برقطعه اعلامی موجبیه ذمتسه کچور .
دیکی تحقیق ایدن سکر بیک بشیوز اون بش
غروشک مع گذشته کفیللری بولنسان مرقومان
علی و عثمان و عمر اغالردن تحصیلیه برابر مبلغ
مذکورک تأمین استیفا سی ضمتنده کفلا ی مرقو .
مه نک اموال منقوله لری اوزرینه وضع اولنسان
بجزک مع اجرای موقت تصدیقی طلب وادعا
و کفلا ی مرقومه نک کفالتلرینی ناطق ومقاولات
محرر لکنندن مصدق برقطعه کفالت سندی

مغایر ومستدعی تمیزک اعتراضی دخی بوجهته
متدائر اوله رق موافق نفس الامر بولندیغه بناء
اصول محاکمه حقوقیه قانونک ایکوز اوتوز
ایکنجی ماده سی موجبیه اعلام مذکورک قضیه
قانون مزبورک ایکوز قرق دردنجی ماده سی
حکمنه توفیقاً صور مشروحه دائره سنده کیفیتک
یکیدن بالرویه اعلامه ربطی ضمتنده محکمه مذ
کوره به اعاده سنه وزیرده مقررانی مرقم اوچیوز
طقسان طقوز بجق غروش مصارف محاکمه نک
ایلروده حقسز چیه جق طرفه رجوع ایتک
اوزر اول امرده مستدعی تمیزدن التمسنه ۱۶
شباط سنه ۳۰۸ تاریخنده متفقاً قرار ویریلرک
تفهیم قلندی .

اقشهر بدایت محکمه سندن ۲۱ مایس سنه
۳۰۷ تاریخنی واون عددی ایله ویریلان اعلامک

و موافق قانون اولان اعلامك تصدیق طلبیدن
و معاون مومی اليك مطالعه سی دخی دعوای
مذ کوره مجلس اداره جه بالرؤیه تحت حکم و قراره
النسبه و قرار مذ کور میدانه اولدجه دعوای
مذ کوره نک بتکرار محاکم عدلیه جه رؤیتی قانوناً
غیر جائز بولمیش اولسنه مبنی اعتراضات واقعه نک
موافق قانون اولدینی بیاندن عبارت بولمیشدر .

ایجابی لدى المذاکره اعلام مذ کور مطالعه
سندن اکلاشلدینی اوزره دعوای واقعه دن
طولای محکمه جه مزبور عمر اغا ورقه سانسک
کفالتلری موجبجه محکومیتلرینه قرار ویرلش
اولوب انجق زراعت بانکسینه مدیون اولان مزبور
نیازی افندی ذاتاً مجلس اداره محلیه جه تحت
محکومیته اندینی جهله بتکرار حقوق محکمه .
سنجه محکوم ایدلسی مخالف قانون اولدینی کبی
کفالتلر کفالتلری مقاولات محررلکندن مصدق
اولدینه بنهء ثابت و متحقق عد اولنهرق قبول
اولمیش ایسه ده کفلاهی مرقومه نک بوبابده کی
کفالتی تصدیقنده مقاولات محررینک مخالف
قانون حر کتده بولسدینی مرجعجه بالمحا که
تین ایدرک مأمور مومی اليك جزای نقدی ايله
محکوم ایدلیدی عندالتمیز ابراز ایدیلان دیگر

ابراز واعطا ایتسنه قارشو عندالحا که مدعی علیهم
مرقومون دخی کفالتلرینی بالانکار کرک مذ کور
سند و کرک مقاولات محررلکی دفترنده کی
مهرلرک کندولرینک اولدینی مدافعه بیان
وتذکار ایتشلر ایسه ده مدعی علیهما دیون مذ کور
کفالتلری مبرز کفالت سندی ايله تحقیق ایتسنه
ودیون اصلیل مزبور نیازی افدینک محکومیتی
دخی ذ کراولتان مجلس اداره اعلامی مندرجاتيله
متحقق بولمسنه بنهء مدعابه سکر بیک بشیوز اون
بش غروشک مع گذشته کفلاهی مرقومه دن
تحصیلله اموال منقوله و غیر منقوله لری اوزرینه
موضوع جزک مع اجرای موقت تصدیقنده حکمدن
و مستدعیلرک اشبو اعلام عایهنده اعتراضاتک
لایحه لرنده محرر باشلوجه سی مدار حکم اتخاذ
ایدیلان کفالت سندی و مقاولات محررلکی
دفترنده کی مهرلر حقنده اصول محاکمه نک تدقیق
خط و خاتم قاعده سینه توفیقاً تدقیقات اجرا اید .
لمکسزین مذ کور مهرلرک صحتیه حکم ايله
کندولرینک محکوم ایدلسی مخالف قانون اولد .
یغندن بجهله اعلامك نقضی استدعاسندن و مدعی
علیه زراعت بانکسینه و کیلنک نتیجه اجوبه سی
کفالت واقعه سنده مستند و مقاولات محررلکندن
مصدق بولسدینی جهله اعتراضات واقعه نک ردی

۴ تشرین اول سنه ۳۱۰ تاریخنده متفقاً قرار
ویریلرک تفهیم قلندی .

فصلنه توفیقاً تدقیقوله تحقیق ایتدیرلسی مقتضی
بولمیش ایکن محکمه مذ کوره جه بوراسنه دخی
دقت و رعایت ایدلامسی و تصدیقنه قرار ویریلان
جزک نه کبی املاک و اموال حقسنده اولدینی

و ویریلان تصدیق جز استدعاسنک مدت قانونیه
ظرفنده ویریلوب ویرلیدیکی خصوصلرینک دخی

تدقیق و تحقیق لازم کلور کن بوجهلردن دخی

ذهول ایدلسی نقصانی تدقیقاندن معدود اولهرق

مغایر قانون اولدینه و مستدعیلرک بالاده محرر

اعتراضاتيله معاون مومی اليك مطالعه سی دخی

بوجهلره متدائر اولهرق موافق نفس الامر

کورندیکنه بنهء اصول محاکمه حقوقیه قانون

نک ایکوز اوتوز ایکی و ایکوز قرق برنجی

ماده لری موجبجه اعلام مذ کور تفضیله قانون

مزبورک ایکوز قرق دردنچی ماده سی حکمنه

توفیقاً کیفیتک یکیدن بالرؤیه اعلامه ربطی ضمتنده

محکمه مذ کوره اعاده سینه وزیرده مفرداتی

مرقم درت یوز قرق بچق غروش مصارف

تمیزیه نک ایلروده حقسنر چیه حق طرفه رجوع

ایتمک اوزره اول امرده مستدعیلردن النسبه

ارضرور استیناف محکمه سندن ۲۳

ایلول سنه ۳۰۷ تاریخی واون طقوز عددی ايله

ویریلان اعلامك تمیزینی خزینة جلیله یه اضافتله

حکومت محلیه و کیلی مصطفی افندی طرفندن

باعرضحال استدعا قلندینی حالده یوم معینده خزینة

مشارالیهاطر فندن برو کیل کوندیرلیدیکی کبی مدعی

علیه بایزید سنجانی مجلس اداره اعضاسندن ابراهیم

اذا دخی کلدیکندن باش مدعی عمومیلک مأموریت

علیه سنک مطالعه نامه سی التقدن صکره اصول

محاکمه حقوقیه قانوننک ایکوز یکریمی طقوزنجی

ماده سینه توفیقاً تدقیقات تمیزیه اجرا سینه ابتدار

قلندی .

اعلام مذ کورک خلاصه مالی مرقوم ابراهیم

طوقسان اوج سنه سنده عساكر شاهانه به ويرمش
اولدینی ارزاق اتمانندن خزینه جلیله ده مطلوبی
بولان یکر می بیک سکر یوز اوتوز یدی غروش
قرار نامه مخصوصی احکامنجه قائمه حسابیله اخذ
واستیفایتمی لازم کلور ایکن متالک اوله رق
المش اولدینی تین ایتسمه و بو حسابجه فضله
مأخوذی اولان اون بش بیک التیوز یکر می سکر
غروشک تصفیه تحویلاتی ایله مع گذشته مرقوم
ابراهیم افادن تحصیلی حکمی حاوی بایزید بدایت
محکمه سندن صادر اولان اعلام علیه اقامه
اولان استیناف دعوا سنک اجرا قلنان محاکمه
وتدقیقات نتیجه سنده معاملات واقعه مطلق
غروشله منقذ اولدینی دین سنکینک مدلولیله
نابت اولوب اولبابده کی قرار نامه نک بو کی مطلق
غروشله قرار شمش اولدینی حالده سکر نوعی
تصریح اولنماش اولان دیوانله تفری غیر جائز
اولدینندن بحال اعلام ابتدائی مذکورک فسخیله
مبلغ مذکورک استرداد حقیقه خزینه
جلیله نک در میان ایلدیکی ادعا سنک ردینه حکمدن
وخزینه جلیله نامه اوله رق وکیل مومی الیه
طرفندن ویرلش اولان لایحه ده محرر اعتراضاتک
باشلوجه سی محکمه استینافیه جه حکم ابتدائی
فسخ اولندقدن صکره اساس ماده حقیقه محاکمه

اجرای مذاکره اولندقدن اعلام مذکور
مأندن اکلاشدینی اوزره محکمه استینافیه جه
حکم ابتدائی فسخ ایدلش اولسنه نظراً حکم
مذکورک فسخندن صکره اساس ماده حقیقه
یکدن محاکمه اجراسیله تبیین ایده جک حاله کوره
حکم ایدلسی لازم کلور ایکن طرفینک بویولده
اجرای محاکمه ایدلماش و مرقوم ابراهیم افانک
مطلوبی نه جنس اچیه اولدینی بالتدقیق متالک

اقمرای بدایت محکمه سندن ۳۲ مایس سنه
۳۰۶ تاریخی و اوتوز ایکی غددی ایله ویریلان
اعلامک تمیزینی استعدا ایدن نوشهر قصبه سنک
متحسنک محله سنده مقیم حرام یمز زاده حاجی
مصطفی اغا ایله مدعی علیه قصبه مذکورک
جامع جدید محله سی اهالی سندن باقی زاده حاجی
احمد افندی یوم معینه داریه کلد کلرندن باش
مدعی عمومیلک مأموریت علیه سنک مطالعه نامه سی
الندقدن صکره تدقیقات تمیزیه اجراسنه ابتدار
اولدی .

اعلام مذکورک خلاصه مالی مرقوم حاجی
مصطفی اغا بوزقیر الاجه خیرلو قریه لرینک
واردات عشریه سی درعه ده و التزام ایدن مزبور
حاجی احمد افندیلن میرینک شرط احاله سی
و ملتزم اول مزبورک شرط نامه سی موجب جه التزام

ما بعدی وار

اعلان

وینہ محل مذ کورده اوتوز التي زراع ییقلمش
یکرمی برنومرولی بیکار اوطه سی عرصه سندن
مومی الیهک اوچ حصه اعتباریله منصرف اولدینی
ثلث حصه لری عندالمزایده لیرای عثمانی یوز
غروش حسابیله اون درت بیک غروشدہ
و کفلا دن بور کچی حسین اغانک بلغورلی قریه
سندہ اوچ بیکار نام ایازمه طریقه سندن برطرفی
حاجی سلیمان و بعضاً طریق و برطرفی ازاریان
اراضیسی و برطرفی اوزون چار ایله محدود
تخمیناً سکر دونم باغ و ترلای و براوطه و برمطبخ
واوچ حیوان باغلنور اخور وینہ اوتوز بش
ارشون درینک و اون التي ارشون یوزنده و فوقنده مقدار
کافی صمانلی حاوی اخور وینہ محل مذ کورده
فوقانی ایکی اوطه و برصوفه تختندہ اوچ دکانی
حاوی یدی نومرولی برقطعه باغ یرینک بتونی
اون ایکی بیک یوز غروشدہ وقاضی قریه سندہ
عثمان اغا محله سنک حمام زقاغندہ اوچ اوطه
و برقیوی حاوی اخشاب برنومرولی خانه نک
نصفی بش بیک یدی یوز الی غروشدہ وینہ
محل مذ کورده ایکی اوطه و برقیوی حاوی اون
یدی نومرولی اخشاب خانه نک بتونی بش بیک
التي یوز غروشدہ و محل مذ کورده سکودلی
چشمه جاده سندہ یکرمی التي نومرولی برباب

خزینہ خاصہ شاهانه نک اوزون چار و توابع
ملزمی جمال بک ذمتندہ بدل ایچاردن بااعلام
الاجنی بولنان مبالغک تأمین استیفاسی ضمانتندہ
تحت حجزه النان بک بکنده استاورز دره سندہ
تکیه سواقغندہ نقاش باشی دیکله معروف و یکرمی بیک
زراعدن عبارت عتیق باغ محلی اوزرینہ انشا
اولنوب نقاش زقانی جهتندہ اخشاب اوله رق
فوقانی و تحتانی طقوز اوطه و ایکی صوفه و اوچ
خلا و برمطبخ و عموم باغجه دروننده ایکی قیو
و برقورنلی حمام و اشجار مشمره و غیر مشمره
حاوی اوچ نومرولی خانه وینہ نقاش زقاغندہ
مذ کور محله تحتانی ایکی اوطه و برخلا و اوتوز
التي زراعدن عبارت برنومرولی کوشک وینہ
تکیه میدانندہ اخشاب اوله رق اون بش نومر-
ولی قهوه دکانی وینہ محل مذ کورده اخشاب
اوتوز التي زراعدن عبارت اون یدی نومرولی
اخور و محل مذ کورده منهدم اوتوز التي زراع
اون طقوز نومرولی قلاچی دکانی عرصه سی

فرونک نصف حصه سی اون بش بیک ایکوز
غروشدہ و محل مذ کورده واپور اسکله جاده سندہ
الشمس طقوز نومرولی خانه و تحتندہ بربرد کانی
اون التي بیک ایکوز الی غروشدہ طالبی عهدہ
سندہ تقرر ایدرک تاریخ اعلاندن اعتباراً برماه
ختامندہ قرار قطعیسی و یریلہ جکی جهتله یوزده
بش ضمیلہ طالب اولنلرک مدت مذ کورده ظرفندہ
اسکدار بدایت محکمہ سی اجرا دائره سنہ مراجعت
ایلملری اعلان اولنور .

۸ تشرین اول سنہ ۳۱۲

۱۴ تشرین اول سنہ ۳۱۲

مصطفی اغانک درسمعات بدایت محکمہ سی
برنجی حقوق دائره سندن استحصال ایلدیکی
اعلام موجبجه فواد و برادری احمد بک بکنده
محکوم به الاجنی اولان معلوم المقدار مبالغک تأمین
تسویه سی ضمانتندہ مدیون مومی الیهک منصرف

متوفی حاجی احمد افندی ورثه سنک متوفی
احمد شا کر افندی ورثه سی ذمتندہ قسمت عسکری
محکمہ سندن و یریلان ۳ صفر سنہ ۳۱۵ تاریخلی
مقتضا اعلامی موجبجه الاجقاری اولان مبالغ
معلومه نک تأمین استیفاسی ضمانتندہ مرهون بولنان
استانبولده خطب قیوسی قریبندہ ایازمه جاده سندہ

خانه نك متصرفه سی حسن حال خانك یوز طقسان
بیچ عدد لیرای عثمانی دینی مقابله باو کالت
دوریه مرهون بولندی و مدتی مرور ایلدیکی
حاله تسویه دین ایتدیکندن ناشی داین طرفندن
وقوع بولان استدعا اوزرینه اصول و نظامی
موجبجه متصرفه سنك رضا و تقریرینه باقلمیه رق
صالحی و تاریخ اعلاندن اعتباراً قرق بش کون
مرورنده احاله اولیه سی و یوزده بش ضمیمه
اخیراً اون بش کون ظرفنده احاله قطعیه سی
اجرا اولمق اوزره موقع مزایده یه قونلدیقندن
املاك مذکورده نك قیمت تخمه و تحریه سی اولان
جمعاً اوتوز درت بیک غروشك یوزده اونی
نسبتنده بی اچله رینی مستصحباً دفتر خاقانی
نظارت جلیله سی سندات عمومیه اداره علیه سینه
مراجعت ایلملری اعلان اولنور .

۱۶ تشرین اول سنه ۳۱۳

کراسته جی دکانلری بیلرنده واقع اوجیوز قرق
ایکی نومرو ایله مرقم برباب وقف کراسته جی
دکانی دروننده موجود کدک نصف حصه
شابعه سی بوندن اقدام مزایده یه قونیلهرق لیرای
عثمانی یوز غروشدن یدی بیک بشیوز غروش
بدل ایل طالی اوزرنده تقرر ایتش اولدیقندن
یوزده بش ضمیمه بوندن دهها زیاده طالع
اوللرک اشبو تاریخ اعلاندن اعتباراً اوتون برکون
ظرفنده درسمعات اعلامات شرعیه اجرا دائره سینه
مراجعت ایلملری .

۱۵ تشرین اول سنه ۳۱۳

قوجه مصطفی پاشاده قوجه مصطفی پاشا
محله وجاده سنده ایکوز یتش الی و ایکوز یتش
سکر و مکرر ایکوز یتش سکر نومرولر ایله
مرقم معلوم الحدود والمشمولات وقف مع دکان

سمادتلو مظهر پاشا حضر تیرنك پاشه
فطینه خاتم ذمتنده محکوم به الاجنی اولان مالک
تأمین استیفاسی ضمننده چکمه جه کیر قضا سنده
واقع طرفینه وانفوریا ناملرله معروف جفا کاند
مدیونه موی الیهک متصرفه اولدینی التمش سهم
اعتباریه درت سهم حصه شابعه سنك جزیه
فروختی داین مشار الیه طرفندن وقوع بولان
طلب واستدعاسه مبنی تحت جزیه التمش اولمقله
تاریخ اعلاندن اعتباراً اون بش کون صکره
بالمزایده فروخته تشبث اولنه جنی بک اوغلی
اجرا مأموریتی جانبندن اعلان اولنور .
۱۶ تشرین اول سنه ۳۱۳

۱۸ تشرین اول سنه ۳۱۳

دسینو قادینك بااعلام نظامی یوان وسائر
اولان محکوم به دینك تأمین استیفاسی ایچون
مزبورنك شایعاً عهده سنده بولنان قوم قبوده

حنیفه خانك بک اوغلی بدایت محکمه سی

معينه نك مرور ايلديكي حالده تسويه دين اولما .
 مسندن ناشي داينلري طرفندن وقوع بولان
 استدا اوزرينه اصول ونظامي موجبجه تاريخ
 اعلاندن اعتباراً قرق بش كون مرورنده احاله
 اوليه سي واندن صكره ده اون بش كون ظرفنده
 يوزده بش ضمي قبول ايديلهرك ختام مدتده
 احاله قطعيه سي اجرا اولمق اوزره التمش بر كون
 مدتله موقع مزايده قونلايدندن طالب اولنلرك
 ودها زياده معلومات المق استيانلرك مذ كور
 خانه نك قيمت تخمه وتحريريه سي اولان اوچيوز
 يكرمي التي بيك غروشك يوزده اوني نسبتنده
 بي اچه لرني مستصحناً دفتر خاقاني نظارت جليله سي
 سندات اداره عموميه سنده مراجعت ايتلمري
 اعلان اولتور .

۲۱ تشرین اول سنه ۳۱۳

ایکینچی حقوق دائره مسندن اعطا قلنان اعلام
 موجبجه قهوه جی اصنافندن محی الدین افندی
 ذمتنده مصارف محاکمه دن الاجبی اولان مبالغه
 تأمین استیفای ضمتنده مدیون مرقومك قهوه
 خانه سنده موجود وتحت جزه التان اشیا شهر
 تشرین اولك یکرمی دردنجی جمعه کونی ساعت
 بشده قاسم پاشاده بات بازارنده بالمزایده فروخت
 اولنه جفندن طالب اولنلرك یوم مذ کور وساعتده
 محل مذ کورده حاضر بولنملری بك اوغلی بدایت
 محکمه سی اجرا مأموریتی جانبسندن اعلان
 اولتور .

۲۰ تشرین اول سنه ۳۱۳

بشکطاش جوارنده تشویقیه محله سنده بوستان
 زقاغنده التي نومرو ایله مرقم اولوب امینه ناشده
 خانمك عهده سنده اولدینی حالده مقدمجه باسند
 رسمی اوچیك ایکوز التمش عدد لیرای عثمانی
 دینی مقابلنده وکالت دوریه ایله مرهون بولنان
 معلوم الحدود والمشمولات بر باب خانه نك مدت

(مطبعة عامره ده طبع اولنمشدر)